

SUÐURLAND

LAUGARDAGUR 9. JÚNÍ 2012

Kynningarblað Afþreying, bæjarhátíðir, náttúrufegurð og ljúffengar veitingar



FRÉTTABLAÐIÐ/PIJETUR




FRÉTTABLAÐIÐ/VILHELM



FRÉTTABLAÐIÐ/VILHELM



FRÉTTABLAÐIÐ/PIJETUR



Markaðsstofa Suðurlands

sími 483 5555 – info@south.is – www.south.is

Suðurland í sókn

Ferðapjónustan er í mikilli sókn á Suðurlandi. Fjölmargir möguleikar eru í boði þegar kemur að gistingu, afþreyingu og veitingum.

Suðurlandið er helsti viðkomustaður ferðamanna hérlendis. Möguleikar fyrir ferðamenn á svæðinu, sem nær frá Selvogi í vestri til Hafnar í Hornafirði í austri, eru óþrjótandi. Davíð Samúelsson, framkvæmdastjóri Markaðsstofu Suðurlands, segir mikla uppbyggingu hafa átt sér stað undanfarin ár víða um Suðurlandið hvað snertir aðgengi að landsfjórðungnum, afþreyingu og gistimöguleika. „Aðgengi ferðamanna inn á Suðurlandið hefur batnað mikið undanfarin ár og núna í sumar verður nýr Suðurlandsvegur formlega opnaður. Margs konar afþreying er í boði fyrir alla aldurshópa og hefur úrval hennar aukist mikið. Þar má meðal annars nefna göngu- og hjólaferðir, hestaferðir, fjallgöngur, bátsferðir og veiðiferðir. Auk þess er mikið úrval stórskemmtilegra bæjarhátíða allt sumarið á Suðurlandinu sem flestar stíla inn á fjölskyldufólk. Þar má meðal annars nefna Kótelettuna á Selfossi, Tour de Hvolsvöllur, Landnámsdaginn, Blóm í bæ í Hveragerði og Humarhátíðina á Höfn.“

Davíð bendir einnig á að gistimöguleikum hafi fjölgað mikið og aðstaða almennt fyrir ferðamenn sé stöðugt að batna. Í dag sé hægt að velja úr fjölbreyttum gistimöguleikum í öllum verðflokkum. „Síðan má ekki gleyma þeim fjölda góðra veitingastaða sem finna má í þessum landsfjórðungi. Við eigum gott úrval veitingastaða sem sérhæfa sig í sjávarfangi og hráefni af Suðurlandi auk allra þeirra staða sem bjóða upp á hefðbundnari veitingar.“ Auk alls þess sem talið hefur verið hér upp býður Suðurlandið upp á mikinn fjölda sundlauga og golfvalla sem eru sívinsælir viðkomustaðir ferðamanna yfir sumartímann.



Mikill fjöldi innlendra og erlendra ferðamanna heimsækir Suðurland ár hvert og á Davíð von á áframhaldandi aukningu. „Við finnum fyrir því að hækkandi bensínverð eykur enn frekar áhuga ferðamanna á Suðurlandinu enda stutt að fara í fallega náttúru og skemmtilega afþreyingu.“ Davíð segir hlutverk Markaðsstofu Suðurlands að vera samstarfsvettvangur fyrir tæki og sveitarfélög á Suðurlandi. „Við vinnum að því að koma Suðurlandi á framfæri hérlendis sem erlendis. Við tökum meðal annars á móti fjölda erlendra og innlendra blaðamanna og ferðakaupenda ár hvert og kynnum fyrir þeim kosti fjórðungsins.“

Davíð Samúelsson, framkvæmdastjóri Markaðsstofu Suðurlands.



LANDNÁMSDAGURINN

Íbúar Skeiða- og Gnúpverjahrepps bjóða landsmönnum í heimsókn í dag, laugardaginn 9. júní, þegar Landnámsdagurinn verður haldinn í fjórða sinn. Dagskráin er fjölbreytt og ætluð öllum aldurshópum. Opin hús verða vítt og breitt um sveitina og fjölbreyttar uppákomur í boði. Íbúar bæja á Skeiðum bjóða gesti velkomna í heimsókn til að kynna störfum fólksins í sveitinni. Grænahlíð býður upp á skemmtilegt skrautfiskasafn og hestabúgarðurinn Blesastaðir er í næsta nágrenni. Margmiðlunarsýning verður opin í Þjórsárstofu á Árnesi, gagnvirk sýning verður í boði í Búrfelli og Þjóðveldisbærinn verður opin en hann er eftirlíking af bænum hans Gauks á Stöng. Réttirnar í sveitinni eru nýupphlaðnar og fallegar. Þar verður boðið upp á ýmis skemmtatriði frá kl. 15 og meðal annars boðið upp á ljúffenga súpu. Þjórsárdalsskógur er auðvitað útivistarparadís fyrir alla aldurshópa og mikil upplifun að fá sér kaffi og pönnukökur þar yfir opnum eldi. Allir eru velkomnir og ókeypis er á alla viðburði.

Nánari upplýsingar má finna á vef Skeiða- og Gnúpverjahrepps: Skeidgnup.is.

Árstíðirnar í garðinum komin út á ný

Fimmta bókin í þessum vinsæla bókaflökki er komin út í annarri prentun en hún hefur verið ófáanleg í nokkurn tíma. **Páll Jökull Pétursson**, ljósmyndari bókarinnar, hyggst opna ljósmyndasýningu í garðinum heima hjá sér.

Árstíðirnar í garðinum er nýlega komin út í annarri prentun, endurbætt og í stærri útgáfu. „Það eru töluverðar viðbætur í þessari útgáfu eða sextán nýjar blaðsíður. Mikið er af nýjum myndum og einnig var eitthvað smálegt leiðrétt frá fyrri útgáfu. Þetta er fimmta bókin í þessum flokki sem við gefum út,“ segir Páll Jökull Pétursson, einn þriggja útgefenda og ljósmyndari bókarinnar. Bókin er til sölu í öllum helstu bókaverslunum og í flestum garðvöruverslunum. Einnig er hægt að kaupa bókina á vefsíðu útgáfunnar, Rit.is. Þar fá áskrifendur blaðsins Sumarhúsið og garðurinn afslátt af bókinni en útgefendur bókarinnar gefa samnefnt tímarit einnig út.

Páll Jökull og kona hans, Auður I. Ottesen, standa saman að útgáfunni. „Við lifum og hrærumst í öllu sem snýr að garðrækt. Við höfum skapað okkur ákveðna sérstöðu með útgáfu tímaritsins og bókanna en markhópurinn er fólk sem hefur áhuga á plöntum, garðrækt og útiveru. Mér finnst ég vera heppinn að vinna við það sem ég hef áhuga á, að taka myndir og búa til þetta fallega les efni. Áhuginn á garðræktinni fylgir svo í leiðinni.“

Í endurútgáfu Árstíðanna er mikið af nýjum myndum sem Páll Jökull tók. „Það þarf að fylgjast



Páll Jökull, ljósmyndari bókarinnar Árstíðirnar í garðinum, hyggst opna ljósmyndasýningu í garðinum sínum á næstunni. Í Árstíðunum í garðinum má meðal annars finna fjölda mynda af plöntum og ýmis góð ráð varðandi garðrækt. MYND/UR EINKASAFNI

vel með öllu nýju. Ég gat sett í bókina nokkur betri eintök af plöntumyndum og svo er bætt við kafla um bambus sem vert er að prófa að rækta hér á landi. Einnig eru taldar upp nokkrar tegundir plantna sem ættu að þrífast hér miðað við veðráttu og breiddargráðu,“ segir hann.

Tímaritið Sumarhúsið og garðurinn fagnar tuttugu ára afmæli sínu á

þessu ári og í tilefni þess ætlar Páll Jökull að setja upp ljósmyndasýningu fyrir utan fyrirtæki og heimili þeirra hjóna að Fosshéiði 1 á Selfossi. „Þetta verður gróður tengd sýning en hún verður ekki alveg hefðbundin þar sem hún verður í einkagarði en ég held að þetta sé í fyrsta sinn hér á landi sem ljósmyndasýning verður sett upp á þann hátt,“ segir Páll Jökull.

Dagsferð í óbyggðir

Í sumar býður **TREX – Hópfærdamiðstöðin** upp á daglegar skoðunarferðir í náttúruperlurnar Þórsmörk, Landmannalaugar og um Suðurstrandarveg.

TREX – Hópfærdamiðstöðin er eitt af öflugustu hópfærdafyrirtækjum landsins, með sjöttú rútur á sínum snærum.

„Fyrirtækið var stofnað undir nafninu Hópfærdamiðstöðin árið 1977 og því fögnum við nú öruggum og samfelldum hópfærdakstri í 35 ár,“ segir framkvæmdastjórinn Kristján M. Baldursson.

Nafnið TREX var tekið upp 2006, en fjórum árum fyrr hafði fyrirtækið sameinast Vestfjarðaleið undir nafninu Hópfærdamiðstöðin – Vestfjarðaleið.

„TREX er skammstöfun fyrir Travel Experiences og vann sér strax sess enda grípandi og hentugt heiti fyrir erlendan ferðamarkað,“ útskýrir Kristján.

TREX statar af öllum gerðum og stærðum hópfærdabíla og einnig fjallabílum fyrir hálendisferðir.

„Í fyrra hófum við daglegar skoðunarferðir í Þórsmörk og Landmannalaugar. Þeim höldum við áfram og bættum við nýrri dagsferð um Suðurstrandarveg,“ segir Kristján um dagsferðirnar sem verða farnar frá 15. júní til 20. ágúst.



Kristján M. Baldursson, framkvæmdastjóri TREX – Hópfærdamiðstöðvarinnar ehf., við eina af glæsilegum rútum fyrirtækisins þar sem vel fer um alla á ferðalögum um landið. MYND/ANTON

Í Þórsmörkurferðum er ekið að skála Ferðafélags Íslands í Langadal og skála Útivistar í Básam. Í Landmannalaugum er ekið beint að skála Ferðafélagsins.

„Hægt er að dvelja fáeina klukkutíma á hverjum stað eða gista eina eða fleiri nætur. Margir nýta ferðirnar í tengslum við gönguferðir um Laugaveg og Fimmvörðuháls og TREX hefur

vakið athygli á nýrri gönguleið sem liggur sem framlenging af Laugavegi frá Rjúpnavöllum í Landssveit yfir í Landmannalaugar.“

Í dagferðum um Suðurstrandarveg er lagt upp frá Reykjavík, ekið að Hellisheiðarvirkjun, þaðan um Þrengsli, Þorlákshöfn, Selvog, Krýsuvík og Grindavík með viðkomu í Bláa lóninu.

Nánari upplýsingar á www.trex.is.



Kerlingarfjöll eru að verða gríðarlega vinsæll áfangastaður að sögn Drengs Óla Þorsteinssonar, markaðs- og kynningarfulltrúa Bíla og fólks ehf.

MYND/ÚR EINKASAFNI

Frjáls og óbundinn með langferðabílum Sternu

Vinsælustu áfangastaðir landsins eru í boði hjá Sternu. Hringmiðinn gerir ferðalögum kleift að stjórna ferðalagi sínu sjálfir.

Bílar og fólk ehf. er ungt og öflugt fyrirtæki á sviði hópferða, sérleyfisaksturs og fólksflutninga. Fyrirtækið hefur starfsstöðvar bæði í Reykjavík og á Akureyri og býður upp á úrval spennandi ferða fyrir erlenda og innlenda ferðamenn hérlendis undir nafninu Sterna. Drengur Óli Þorsteinsson, markaðs- og kynningarfulltrúi, og Óskar Stefánsson framkvæmdastjóri segja fyrirtækið bjóða upp á flesta vinsælustu áfangastaði landsins. „Við bjóðum upp á áætlunarferðir og hópferðir til flestra vinsælustu áfangastaða landsins en fyrst og fremst er Hringmiðinn okkar vinsælastur. Hringmiðinn gefur ferðamönnum kost á að ferðast hringinn um landið eða taka smærri svæði, til dæmis Snæfellsnesið og Snæfellsþjóðgarð, Vesturland og Vestfirði og Gullna hringinn. Þeir eru ekki bundnir farartækinu heldur geta stökkið úr og inn í bílinn þegar þeim hentar.“ Hringmiðinn gildir yfir sumar mánuðina þrjá og gefur því ferðamönnum mikið frelsi varðandi skipulag ferðalags innanlands.

Kjölur og Kerlingarfjöll vinsæl

Vinsælasta ferð Sterna er Austurhringur um Kjöl. Um er að ræða hringmiða yfir Kjöl og austur fyrir landið. Þessi ferð býður upp á mikla möguleika á að heimsækja

„**Margir viðskiptasamningar eru í húfi, meðal annars við ferðapjónustuaðila á Suðurlandinu**“

vinsæla áfangastaði á hálendinu, til dæmis Kerlingarfjöll en Drengur segir mikinn vöxt vera á ferðum um Kjöl. „Þar skipta miklu máli auknar vinsældir Kerlingarfjalla sem eru að verða gríðarlega vinsæll áfangastaður. Hann er ekkert síðri en aðrir frægir og meira markaðssettir áfangastaðir hérlendis, til dæmis Landmannalaugar.“ Að öðru leyti segir hann vinsælustu áfangastaðina vera þessa hefðbundnu ferðamanna- staði. Þar segir hann Suðurlandið vega þungt enda mestur fjöldi ferða í þeim landsfjórðungi og skoðunarferðir um Suðurlandið vera almennt gríðarlega vinsælar.

Nær allir viðskiptavinir Sterna eru erlendir ferðamenn. Þjóðverjar eru fjölmennastir og hafa verið það frá árinu 2006. Ferðamönnum frá öðrum þjóðum fjölga einnig að sögn Óskars og má þar helst nefna Frakkland, Bandaríkin og Norðurlöndin. „Frakkar eru duglegir að nýta sér Hringmiðana og koma hér tugir saman enda vanir lestarmidum frá heimalandinu. Síðan sjáum við aukningu ferðamanna

frá Suðaustur-Asíu, til dæmis frá Singapúr, Taívan, Japan og Hong Kong. Asíubúar nýta sér mikið pantanir á netinu.“

Hótað lögbanni

Bílar og fólk hefur vaxið hratt og örugglega undanfarin ár. Í upphafi átti fyrirtækið tvær rútur en í dag ræður fyrirtækið yfir þrjátíu rútum af öllum stærðum og gerðum. Fyrirtækið er einnig með fjölda samstarfsaðila í ferðum sínum, til dæmis á Vestfjörðum, Breiðafirði og í ferðum milli Akureyrar og Egilsstaða. Sterna hefur um árabíl keyrt gömlu sérleyfin á Suðurlandi. Árið 2011 missti fyrirtækið þó sérleyfi sitt þar til Strætó bs. Óskar og Drengur segja ákvæði hafa verið í fyrri samningi þess efnis að hægt væri að framlengja sérleyfinu til þeirra en Sambönd sveitarfélaga hafi kosið að semja frekar við Strætó bs. Nú situr Sterna Travel, sem fyrirtækið Bílar og fólk keyrir fyrir, undir hótunum um lögbann að sögn Óskars og Drengs. „Margir viðskiptasamningar eru í húfi, meðal annars við ferðapjónustuaðila á Suðurlandinu verði lögbannið samþykkt. Þó það beinist ekki gegn Bílum og fólki ehf. beint þá lætur það fá fyrirtæki ósnortin sem veita þjónustu í sambandi við til dæmis hringmiðana.“



Drengur Óli Þorsteinsson markaðs- og kynningarfulltrúi og Óskar Stefánsson framkvæmdastjóri.

MYND/ANTON BRINK



Bílar og fólk ehf. ræður yfir 30 rútum af öllum stærðum og gerðum. Fyrirtækið keyrir á flesta vinsælustu ferðamanna staði landsins.

MYND/ÚR EINKASAFNI



TOUR DE HVOLSVÖLLUR

Hjólreiðakeppnin Tour de Hvolsvöllur verður haldin laugardaginn 7. júlí. Sveitarfélagið Rangárþing eystra stendur fyrir keppninni í samstarfi við hjólreiðanefnd ÍSÍ, LHM og fleiri aðila. Keppnin er opin öllum 14 ára og eldri. Keppit er í þremur vegalengdum hjá báðum kynjum; 110 kílómetra leið frá Reykjavík, 48 kílómetra leið frá Selfossi og 14 kílómetra leið frá Hellu. Hópnun verður sérstaklega fylgt að tvöföldun Suðurlandsvegur en björgunarsveitin Dagrenning fylgir hópnun á Hvolsvöll þar sem allar keppnisleiðir enda. Einnig er boðið upp á hjólakeppni og þrautabrautir fyrir börn og unglina á Hvolsvelli. Tímataka er á keppnisleiðunum frá Reykjavík og Selfossi og eru veitt verðlaun fyrir fyrsta til þriðja sæti á 110 kílómetra leiðinni í hvorum flokki fyrir báðar leiðirnar. Skráning í keppnina hefst um miðjan júní og verður hægt að skrá sig til 5. júlí á vefnum Hvolsvollur.is. Keppnin var fyrst haldin árið 1993 og árlega lengi vel eftir það. Hún lagðist af um tíma en var endurvakin í fyrra. Þá tóku 120 manns þátt í keppninni sem var framfar öllum vonum skipuleggjenda. Keppendum verður boðið upp á léttar veitingar að lokinni keppni í keppnistjaldi á miðbæjartúninu.



GULLFOSS ALLRA ÍSLENDINGA

Gullfoss í Hvítá er fjölsóttasti foss á Íslandi og hluti af Gullna hringnum. Hann fellur í tveimur þrepum niður í Hvítárgljúfur, sem er tveir og hálfur kílómetri á breidd og allt að 70 metra djúpt. Fyrra þrepið er um 11 metrar en það seinna um 21 metri. Upp úr aldamótunum 1900 munaði minnstu að Gullfoss hefði verið virkjaður þegar erlendir aðilar eignuðust hann. Sigríður Tómasdóttir, eigandi og ábúandi í Brattaholti, undi því ekki og hótaði meðal annars að fleygja sér í fossinn. Til þess kom þó ekki og höfðaði hún mál gegn þeim með aðstoð Sveins Björnssonar lögfræðings sem endaði með því að fossinn komst aftur í eigu Íslendinga. Sigríður og fjölskylda hennar lögðu fyrstu stígana við Gullfoss og leiðsöguðu ferðalöngum um svæðið. Minnisvarði um Sigríði eftir Ríkharð Jónsson stendur í gljúfrinu við neðra bílastæðið.

Flott farfuglaheimili

Tíu kílómetra frá Stokkseyri er Farfuglaheimilið í Gaulverjaskóla. Eigendur þess, Oddný Guðmundsdóttir og Gestur Kristinsson, bjóða upp á fjölbreytta gisti-möguleika. „Við erum með allt frá einstaklingsherbergjum til fjölskylduherbergja með uppáþunum rúmum kjósi fólk svo. Einnig bjóðum við svefnpokapláss fyrir hópa en alls er gistiþláss fyrir 29 manns hjá okkur. Svo er hægt að biðja um morgunverð eða léttan kvöldverð. Ég á alltaf íslenska kjöt-

súpu fyrir gestina,“ segir Oddný. Eldunaraðstaða fyrir gesti er í sérhúsi þannig að aldrei er matarlykt í herbergjunum. Félagsheimilið Félagslundur og Gaulverjabærkirkja eru rétt við gistiheimilið og er farfuglaheimilið því tilvalið fyrir margs konar viðburði. „Hingað hafa komið gamlir skólafélagar og grillað saman og gist, leshópar og fundir verið haldnir, steggja- og gæsaþópar hafa komið og svo er nýbúið að vera brúðkaup í kirkjunni. Þá var útbúin brúðar-

Farfuglaheimilið í Gaulverjaskóla er kjörið fyrir ýmiss konar viðburði. Þar er meðal annars að finna kirkju, félagsheimili, matsal, fjölbreytta afþreyingu allt í kring og víðáttumikla náttúru.



svíta og veislan var hjá okkur. Nú um helgina er svo ættarmót.“ Gríðarlega fallett útsýni er frá Gaulverjaskóla; Hekla, Eyjafjallajökull og fjöllin úti á Reykjanesi. Stutt er í alla þjónustu og fjöl-

breytta afþreyingu víða að finna á svæðinu; hestaleigur, söfn, kajakferðir og frábæra veitingastaði. Nánari upplýsingar er að finna á heimasíðu gistiheimilisins www.south-hostel.is.



SPORT
besta sætið

PEPSI DEILDIN

Meiri spenna en nokkru sinni fyrr • júní 2012



FRÁBÆRIR LEIKIR Í JÚNÍ

Efsta deild hefur aldrei verið eins jöfn og spennandi. Sjáðu leikina í beinni og Pepsi mörkin eftir hverja umferð

HORFÐU HVAR SEM ER, HVENÆR SEM ER.



Í bústaðnum • í snjallsímanum • á spjaldtölvunni • í tölvunni



Stöð 2 Sport og fylgistöðvar
216 KR. Á DAG
ÞÚ ER ÖÐRYRARA AÐ SKEMMTA SÉR HEIMA



NBA ÚRSLITAKEPPNIN

Fjöldi magnaðra úrslitaleikja bestu liðanna

GOLF Í ALLT SUMAR

Sigurður Elvar, Þorsteinn Hallgríms og Logi Bergmann með golfþætti á þriðjudögum í allt sumar

SUMARMÓTIN

Knattspyrnustjórnur framtíðarinnar um allt land

F1

Misstu ekki af Formúlunni í Montreal og Valencia

BORGUNAR-BIKARINN

Beinar útsendingar og markapáttur strax á eftir

#BESTASÆTID